



Lesona 10
mo Setema
5, 2026

**GALUEGA FA'A-
KERISIANO MONI**

**"Ua puapuagatia i matou i mea uma, a e le faaatuatuvaileina;
ua fememeai, a e le matuā fememeai; ua sauaina, a e le
tuulafoaiina; ua lafotuina i lalo, a e le fano; o loo tauave i le
tino e le aunoa le fasiotia o le Alii o Iesu, ina ia faaalua foi le
soifua o Iesu i o matou tino."** (2 Korinito 4:8-10, soV)



O ai na fai mai e to'afilemu le olaga o se faifeau? O faifeau o le talalelei e mamafa ona tiutetauave, ma o a latou taumafaiga e lē aunoa ma se lamatiaga.

O le alofa mo agaga o loo fano, ma le tausiga faapelepele e tatau ona latou tuuina atu e tausia ma atiina ae ai i latou ua uma ona talia le talalelei, o mea ia e iloga ai faifeau moni mai luko fe'ai.

A galulue faatasi le ekalesia ma ana faifeau ma faia ni suiga taua i lona olaga, e avea ai ma se elemene o le faaleleiga e avatu ai le mafanafana ma le olioli i tagata uma.



O LE GALUEGA A LE FAIFEAU



Faifeau agavaa



O tulaga lamatia o le galuega



TIUTE O TAGATA LOTU



Amelesa o le leleiga



Valaau ia faapaiaina



TAUNUUGA O LE GALULUE FAATASI



faamafanafanaina ma le olioli

○ **LE GALUEGA A LE FAIFEAU**

FAIFEAU AGAVAA

"O outou o la matou tusi, o tusia i o matou nei loto, ua iloa ma faitaulia e tagata uma." (2 Korinito 3:2)

E i ai a mea e le suia i le aluga o taimi. O loo matala pea faitotoa i aso nei e tusi ai tusi faafautua, e pei lava ona sa i ai i le uluai seneturi. Pe sa mana'omia ea e Paulo se tusi faafautua ina ia talia ai e le ekalesia i Korinito? (2 Korinito 3:1)

Sa ia te ia le tusi sili ona lelei e fa'amaonia ai: o tagata Korinito lava ia (2 Kori. 3:2). Sa liua o latou loto i le alofa tunoa o le Atua, e ala i le tala'iga a le aposetolo ma ona usoaauauna (2 Kori. 3:3).

O Paulo ma ana fesoasoani sa "agavaa e fai ma auauna o le feagaiga fou" (2 Kori. 3:6). O se feagaiga mamalu, na tusia e le Agaga i le loto mo le ola e faavavau.

Peita'i, o nisi na mulimuli i se isi feagaiga, o le feagaiga o le faaolataga e ala i galuega o le Tulafono na tusia i papa, lea na taofia ai i latou mai le iloa o le mamalu o le alofa tunoa (2 Kori. 3:7-9).



O LAMATIAGA O LE GALUEGA

“Auā ona o outou o mea uma, ina ia faatele ai le viiga i le Atua e le faafetai o le toatele ona o le alofa tunoa ua matuā tele.” (2 Korinito 4:15)

Sa malamalama ma onosaia e Paulo lamatiaga o le galuega faafaifeau. Ae na ia iloa o nei tulaga lamatia e aoga, Sa ia onosaia ona o le alofa i tagata na tuuina atu i ai le avanoa e maua ai le faaolataga (2 Kori. 4:15). E le gata i lea, sa ia mautinoa le fesoasoani faalelagi (2 Kori. 4:7-9):

O tatou ua...


- ▶ Puapuagatia
- ▶ fememeai
- ▶ sauaina
- ▶ lafotuina i lalo

Ae le...

- ▶ faaatuatuvaleina
- ▶ matua fememeai
- ▶ tuulafoaina
- ▶ fano

Ua tala’iina le talalelei e ala i tagata vaivai ina ia na o le Atua e avatu i ai le viiga.

O puapuaga o se “puapuaga mama, e le tumau” pe a faatusatusa i le “mamafa e faavavau ma silisili ese o le mamalu” o le a tatou maua i le aso o le toetu (2 Kori. 4:14-18).



O TIUTE O TAGATA EKALESIA

AMEPASA O LE LELEIGA

“O mea uma foi mai le Atua ia, ua uma ona faaleleia e ia o i tatou ia te ia talu Iesu Keriso, ua tuuina mai foi ia te i matou le galuega o le leleiga.”

(2 Korinito 5:18)

O le malosi e tatau ona pulea ai le olaga o le ekalesia (ma tagata lotu taitoatasi) o le: “Auā o le alofa o Keriso e uuna’ia i tatou” (2 Korinito 5:14). O le ā le uiga o lenei alofa, ma o le ā fo’i e uuna’ia i tatou?

Na foa’i mai e Keriso lona ola ona o le alofa. O lenei alofa ua uuna’ia ai i tatou e ola mo la (2 Korinito 5:14-15).

Ua faia tatou e Keriso ma tagata fou. O lea ua faamalosia ai i tatou e tuua o tatou olaga tuai (2 Kori. 5:17)

Ua faaleleia i tatou e Keriso ma le Atua. O lenei ua uunaia ai i tatou e avea ma amepasa o le leleiga (2 Kori. 5:18-20).

O le alofa la lea o Keriso, e taitai atu ai i tatou i se suiga tele o le olaga. O le ola i le alofa o Keriso e taitai atu ai foi i tatou e faasoa atu lena alofa i isi, ma uunaia i latou e talia le savali o le faamoemoe: “Ia outou lelei ma le Atua” (2 Kori. 5:20).



O LE VALA'AU IA PA'IA



O le valaau ia paia e a'afia ai olaga i aso faisoo o faifeau ma tagata o le ekalesia:

Onosaia faigata (2 Kor. 6:4-5)

Ia fua mai fua o le Agaga Paia (2 Kor. 6:6)

Ia faamaoni ma amiotonu (2 Kori. 6:7)

Tumau i soo se luiga (2 Kori. 6:8-10)

Tatala o tatou loto i isi (2 Kori. 6:11-13)

Ina ia vavae ese i tatou lava mai faatosinaga leaga a ē lē talitonu (2 Kori. 6:14-15)

“O lenei, le au pele e, ona ua ia te i tatou o ia upu ua folafolaina mai, ia tatou faamamā ia te i tatou i mea uma e leaga ai le tino atoa ma le agaga, ia faaatoatoina lo outou faapaiaina i le mata'u i le Atua.” (2 Korinito 7:1)

I le tuufaatasia o fuaitau eseese mai le Feagaiga Tuai, ua aoteleina ai e Paulo le valaau ia paia ma ona taunuuga (2 Kori. 6:16-18):

Valaauina ia..

- O ese mai nofoaga o le agasala
- Vavae ese mai tagata agasala
- Aua le pa'i i se mea le mama

Taunuuga

- Oute nofo faatasi ma oe
- Fai Au mou Atua
- Avea outou ma o'u tagata
- Oute talia outou
- Fai au ma outou Tama


**O LE TAUNUUGA O LE
GALULUE FAATASI**

FA'AMAFANAFANAINA MA LE OLIOLI

"E tele lo'u faamalosi atu ia te outou, ua tele lo'u mitamita ona o outou; ua faatumuina a'u i le mafanafana, ou te matuā olioli tele lava i lo matou puapuaga uma." (2 Korinito 7:4)

E ui i faafitauli na feagai ma ia, ae sa matuā olioli lava Paulo. (2 Kori. 7:4). O le ā na mafua ai lenei olioli?

Sa tusia e Paulo se tusi faigata i tagata Korinito, lea na faanoanoa ai i latou (2 Kori. 7:8). Peitai o lenei faanoanoaga na taitai atu ai i latou i le salamo (2 Kori. 7:9-10). O lenei mea na mafua ai se suiga atoa i la latou mafutaga ma Paulo, ma le tasi i le isi (2 Kori. 7:11-12).



O lea la, sa i ai le faamafanafanaga mo tagata uma. Sa faamafanafanaina Tito, le soa a Paulo. (2 Kori. 7:7). Sa faamafanafanaina Paulo i le taunuu mai o Tito (2 Kori. 7:6). Sa faamafanafanaina tagata Korinito, lea na aumaia ai foi le faamafanafanaga ia Paulo (2 Kori. 7:13).

Ae sa le'i manatu Paulo o ia na mafua ai. Afai e maua e faifeau ma tagata o le ekalesia le olioli ma le mafanafana, o le mafuaaga o le Atua "e faamafanafana i e lotomaulalo" (2 Kori. 7:6a).

“O le galuega o lona uiga o le auauna atu, ma o lenei galuega ua valaauina ai i tatou uma. O se faalumaina i le Atua pe a filifile e se tagata se olaga e faamalieina ai lona lava loto. Uso e ma tuafafine, ua outou iloa ea o tausaga taitasi e faitau afe ma afe agaga o loo fano, ma oti i a latou agasala ona e le'i susulu atu le malamalama o le upumoni i o latou ala?”

E tele le galuega e tatau ona faia i lo tatou lalolagi. E tatau ona liua alii ma tamaitai, e le ona o le meaalofo o le tautala i gagana eseese po o le faia o vavega, ae o le talaiga o Keriso na faasatauroina. Aisea e faatuai ai le taumafaiga e faaleleia atili le lalolagi?